

59317

重脩鳳翔縣志

第一冊

陵墓	形勝	疆域	星野	輿地	學宮	縣城	姓氏	凡例	序
風俗	古蹟	山川	沿革		八景	縣署	縣境	目錄	舊序
					圖	圖	圖	圖	

第一冊

序

鳳郡為三秦之右輔而鳳邑為八屬之領袖
 南控褒斜西達伊涼橫水環其左靈山峙其
 右平疇廣陌萬室雲連故其財賦之重人文
 之聚物產之殷皆甲勝他邑採風者於此欲
 其巨臚細列人詳物業非邑志其奚稽耶邑

叙

一

令羅君盱江名宿歷任陝省有年適予守郡
 之三載來司邑篆同城共事予以其人諳練
 奮往凡有益於政治風教者與為商確數年
 來修廢舉墜皆能成予之志今手輯邑乘數
 卷請予言以弁簡端蓋鳳志自前任韓令續
 修而後距今又三十餘年前有未脩之文獻

也洵處山僻斗大之城無所展布惟經營於學校如書院則已拓矣膏火設法議置未得允准正欲重修邑志又以母老請養而解組時可為而卒不得為也服闋赴京候補五年虛度至癸未冬乃蒙

特恩簡補茲邑邑附郭而事繁加以前此連年歲歉協幫軍務我太守達公愛民力而惜民

叙

二

財一切廢墜未肯輕舉緩之有待近荷天庥連歲豐稔太守曰吾欲乘時以修百廢捐貲為倡爾其襄之予謹遵命比年來如學宮如考院如祠廟如寺觀如衙署公館如倉庫城池靡不修葺向之傾圮而狹隘者今皆繕飭而宏敞矣至於郡邑志尤關政典歲乙酉奉

諸徵天下府州縣志送入史館太守因郡舊志字
跡模糊爰糾八屬捐俸重刊命于董德是秋
設局而越夏告成予乘郡志既修之後集邑
中紳士而告之曰邑志修於前令韓君迄今
又三十餘年矣其間之因革不一歲久事增
今不續修後恐湮沒且乘府志採輯之後事
半而功倍焉諸紳士皆曰然各願捐貲為助

叙

三

而又得察佐蘓君直菴贊理之乃請吾同鄉
孝廉周君光宇持其總寶雞孝廉高君捷南
本邑孝廉劉君鷲百襄其事參考舊典博訪
新聞訛者正而缺者補冗者汰而紊者釐稿
既成抄錄費呈

院司道府各上憲而教正之乃付剞劂至丁亥
四月而版成總綱八細目九十有五分為八

卷于於簿書之暇細加核校不敢謂其盡善也然事必核實不相沿襲而無使假借不亦足以信令而傳後乎是志之成亦由乘時以舉事費不多而且有餘因餘費而又倡捐書院置膏火向鳳邑之無者而今亦有之使來茲多士皆得藉以熏陶一舉而兩得非予之喜事也是皆有關政典予幸際

叙

四

聖明化洽之時忝居職宰敢不盡我心以從事乎惟冀後之君子及邑之賢士大夫諒予之力而鑒予之志也是為叙
乾隆三十二年歲次丁亥孟夏上浣鳳翔縣知縣盱江羅鰲撰



叙

從來事之修廢存乎人人之舉事視平時時
之得為與不得為又有數存焉得為而不為
則曰循苟且人不得辭其咎故天下無不可
為之事而獨難遇得為之時也予不敏才識
固謏劣然自通籍以來每勇於任事而常困
沮於時時丙寅予初入關署山陽象山陽巖

叙

一

瘠邑邑中之事墮廢者多予謀欲舉之甫四
月而離任時不得為也隨涖任興平五載造
值軍需旁午災賑頻仍日勞勞於撫卹奔走
至庚午而稍息始得舉地方要務而經營之
如清馬廠分社倉立蠶局建公館修文廟而
葺學宮增書院而設義學方議置膏火修邑
志未畢乃事而調任洵陽是時得為而中沮

後有應增之事蹟則重加訂正廣事搜羅亦
事理之所宜然者况今

聖主當陽四海率俾制作輝煌炳炳麟麟文明之
治超越前代而又以輿圖式廓聲教旁敷特
簡儒臣重輯一統志採勝搜奇窮遐極遠舉數
萬里之山川形勝文物英華一覽而犁然在

叙

二

目猗歎休哉躬逢

盛世民熙物泰守土諸臣得不揚詡

聖化潤色太平耶羅君有見於此而知當務之為
急其趨事之勇決居心之忠敬於此可概見
矣至於輅躬飭俗杜漸防微牧民之道有如
馭朽余願與同事諸君交相儆惕庶無忝於

詔編摩徵天下府州縣志書送館其乘郡守設
局採輯之後舉邑志而新之叅訂史乘諮訪
紳耆更其訛補其缺刪其繁較舊編頗為詳
備將梓以垂永久余受而卒業稱善再三蓋
侯之用心良勤其別裁尤合義法自古迄今
凡申畫建置貢賦以及政事官師人風土物

叙

三

吳

其有關於斯邑者罔敢佚而辨悉源委不欲
牽引合郡與鄰治事蹟徒為夸張觀美謂非
信而有徵核而不失其實者與繼自茲溯斯
邑之文獻者必曰係於以知斯志之作得其
人而時之當乘而不當緩也嗟乎天下之事
其初常苦於有所待而其後因循展轉遂至



於不得為以侯之於邑志如此其於民生之
利濟政治之經紀苟有可及為者豈肯緩哉
猶憶童時誦甘棠之詩輒流連不忍置鳳翔
為名伯采地官於斯者慨然想見南國之化
於今其與民相涵濡者宜何如也余更將聽
民謠以頌侯之政與斯志同播於無窮也

叙

四

吳

乾隆三十有二年歲在丁亥仲春三秦督學
使者天都吳綬詔書於西涼驛舍



志叙

邑之文獻繫乎志志之修廢存乎人今夫山
峙川流申畫之定界也城繕隍浚建置之大
端也任土則壤貢賦之成規也然而時有否
泰治有汙隆代有沿革由是政事有損益官
師有賢否人風有淳漓土物有羸絀不因地

叙

一

吳

而志之則無徵不得其人而志之則失實無
徵失實則不足以備國史之採擇而資學士
之考鏡故雖彈丸畿爾不可無志志不可不
善况其為通都大邑者與余啣

命來秦中朞歲之間歷州郡者十數始以為志
書邑盡有之及索觀則十缺四五微獨邑雖

郡亦然所有之志又多闕數十年且百年甚至漫漶不能讀質諸其邦之大夫或曰欲修之而未逮也或曰是久未修苦無父老之傳金石之刻欲修之而無據也夫今之無據者非前之人之緩有以致之與今且無據後更奚藉焉然則修志固存乎人而又必其不緩

叙

二

吳

於茲事者乃能為也扶風郡關中右輔其首屬鳳翔尤望邑也豫章羅侯為宰之五年修邑志成郵跡余且以書告之曰斯邑自前令韓君修之已三十四年矣某初履任時每以餘閒披校竊慮歲久事增漸就湮沒適一統志奉

志跋

邑有志郡有乘其與國史同一不朽也然國史一書採諸郡志郡志而邑志又郡志省志所從出色志之所關詎不重哉我

邑侯立峯羅公以盱江名進士來涖茲邑甫下車即以興廢舉墜為已任議修縣志建書院歲乙酉夏五月適

郡憲達公重修郡志命公董厥事公以江右孝廉周

志跋

君光字有文名延入志局隨命予與陳倉高君捷南同入而襄事郡志藁成踵修邑志至嘉平而藁亦成丙戌春予與周高二君同試春官榜前

皇恩

大批周高俱由首挑揀發各省獨予以次挑候選旋里進謁承公過愛館於署時郡志成書邑志甫刊公付舊稿命予更加參訂曰為釐其次第正其魯魚補其闕失自丙戌八月至丁亥四月朝夕編摩者復逾半載雖未必盡符公意而夙興夜寐兢

兢兢惟恐檢校偶踈貽我公羞者國公所親見也
志版垂成又興修書院議置膏火勸邑紳士捐輸
為久遠計予既喜邑志之成而更喜公之火有造
于鳳邑者如建書院置膏火皆一分永逸將與邑
志同貽羨於無窮也爰勉為數語以跋其後

昔

乾隆三十二年歲次丁亥夏四月書於鳳翔縣署
之碧梧軒

志跋

二

雍溪劉震謹跋



恪恭之義焉云爾

昔

乾隆三十二年丁亥歲荷月之朔鳳翔郡守

達靈阿序

叙

三

前奉

學憲溫 發銀四百兩交典生息以為書院生
童添買書籍之用嗣因各典領運生息之項不
一互相推諉適有鬻書之家多係善板是以即
將原銀提回購買共計二十一種一百一十四
套開列清單交監院收貯書院櫃內俾生童得
資觀覽仍令監院管理稽查並每夏伏天曝晒
一次各生童取閱後仍皆照數收回如有更替
作為交代毋得稍有損壞遺失用垂

學憲遺澤云爾併附誌之

鳳翔縣志舊序

今

天子御極之六年

詔行各直省訪求忠孝節義之遺逸於下而未彰者輯入省志以付史館所以闡幽發隱甚盛典也於是秦省推擇臺主其事而檄下各郡縣咸命修之鏞適承乏扶風之首邑既以傳詢於民因取前令王君所編邑志而討論焉見其所載本邑人物莫不魁岸秀偉代不乏人即現今百年內如袁經畧劉侍御之忠節張雞山之高隱其

重修鳳翔縣志

卷之首

韓序

一

他匹夫匹婦名義所關無不凜然保持有之死而靡他者嗚呼可謂義矣扶風故為文武之舊治其所以甄陶於禮義名教之中感奮激發興頑而立懦者固至今猶有然者乎惟是甲科寥寥已數十年僅有一二人豈山川偶有餘澤抑斯人自情其修故致然歟乃於辛亥歲郡守任公既捐修試院七十餘間又特延名孝廉訓迪孤寒之士余亦勉効建義塾於署左並各鄉分設共十二處一時人士頗蒸蒸向風矣既又隨公巡歷城頭見雍山西起湖水東流南原環抱於前栢林君坡等峰

屏倚於後信乎人傑固地靈哉於是邑紳士言曰城形如鳳西北舊有鐘樓比已久謫得而新之又術者言東湖宜瀦水而於其下流立一塔以收其氣再移演武場於城之西則文武利矣邦尊與別駕王公皆然之余乃復揚言於衆曰爾知山水之靈能鍾毓於人矣抑知人之善惡淑慝能轉移夫山水乎夫豪傑之士雖無文王猶興况今日岐陽鐘鼓振古如新而

聖天子養士作人之澤涵育深厚遠邁當年則人才濟濟應昌期而黼黻休明端有在矣願思所以無負此山川者

重修鳳翔縣志

卷之首

韓序

二

可也多士勉乎哉既而邑志告成圖書此以弁其首云時

雍正十一年歲次癸丑重九日邑令韓鏞謹撰

